

Skólareglur og skólasókn

Ábyrgð, réttindi og skyldur

Í [lögum um grunnskóla 2008/91, 30. grein](#) kemur fram að allir skólar setja sér skólareglur þar sem m.a. er kveðið á um almenna umgengni, samskipti, stundvísi, ástundun náms og heilbrigðar lífsvenjur og hvernig brugðist skal við brotum á þeim.

[Reglugerð um ábyrgð og skyldur aðila skólasamfélagsins í grunnskólum nr. 1040/2011](#) kveður nánar á um hlutverk skólareglna og skyldur starfsfólks skóla, nemenda og foreldra.

Í reglugerðinni kemur fram að ávallt skuli leita samstarfs við foreldra nemenda (11. gr) um úrlausn máls og að skólastjóri skuli sjá til þess að atvik sem skipta máli vegna úrlausnar mála séu skráð og skráningar varðveittar í skólanum. Í Foldaskóla verða brot á skólareglum skráð í dagbók í Mentor.

Í 3. grein segir m.a. að **starfsfólki** beri að stuðla að jákvæðum skólabrag og starfsanda í öllu skólastarfi ásamt góðri umgengni. Starfsfólk skal sýna nærgætni og gæta virðingar í framkomu sinni gagnvart nemendum, foreldrum og samstarfsfólki og gæta þagmælsku nema þegar um er að ræða tilkynningarskyldu gagnvart barnaverndarlögum.

Í 4. grein kemur m.a. fram að **nemendur** beri ábyrgð á eigin námi, framkomu sinni, háttsemi og samskiptum við skólasystkin og starfsfólk skóla. Nemendur eiga rétt á að láta skoðanir sínar í ljós í málum sem þá varða og skal tekið réttmætt tillit til skoðana þeirra. Þá eiga nemendur að hlíta fyrirmælum kennara og annars starfsfólks skóla, fara eftir skólareglum og fylgja almennum umgengnisreglum í samskiptum.

Í 5. grein segir að **foreldrar** beri ábyrgð á uppeldi barna sinna og beri þeir ábyrgð á hegðun þeirra og framkomu gagnvart skólasystkinum og starfsfólki skóla og eigi að bregðast við afleiðingum hegðunar þeirra. Foreldrar eiga að gæta hagsmuna barna sinna og stuðla að því að þau stundi nám sitt. Þeim ber að fylgjast með námsframvindu, ástundun og hegðun í samstarfi við kennara og stjórnendur skóla. Einnig er foreldrum skylt að vinna að lausn mála í samstarfi við skóla, sérfræðipjónustu og fræðslufirvöld sveitarfélaga þegar misbrestur verður á hegðun og framkomu barna þeirra.

[Verklagsreglur skóla- og frístundasviðs](#) og [velferðarsviðs um þjónustu við grunnskólanemendur með fjölþættan vanda](#) voru endurskoðaðar haustið 2012. Þær reglur taka við þegar skólareglur duga ekki til eða þegar á þær er fullreynt. Verklagsreglum er ætlað að skapa vinnulag sem tryggir skilvirka samvinnu stofnana Reykjavíkurborgar við vinnslu mála þar sem vandi nemenda er alvarlegur og fjölþættur.

Lífsgildi

Berum virðingu fyrir sjálfum okkur, öðrum og umhverfinu.

Í Foldaskóla virðum við hvert annað og leggjum áherslu á samvinnu. Við lærum jákvæð samskipti og skynjum þann mátt sem felst í góðri samvinnu. Kurteisi og gagnkvæm tillitssemi eiga að vera einkunnarorð í samskiptum allra sem starfa í skólanum; nemenda, kennara og annarra starfsmanna.

Skólareglur

Í skólanum á að ríkja góður starfsandi og vinnufriður. Nemendum ber að virða sjálfsagðar og eðlilegar umgengnisreglur jafnframt því að hlýða fyrirmælum starfsfólks skólans í öllu skólastarfi.

Umhengni, samskipti og háttsemi

- Sýnum kurteisi, vinsemd og virðingu.
- Hlýðum fyrirmælum alls starfsfólks.
- Sýnum tillitsemi og virðum rétt annarra.
- Stöndum vörð um eigur skólans og þeirra sem þar starfa.
- Slökkt skal á sínum, snjalltækjum (þ.m.t. GPS krakka snjallúrum) og spilurum í kennslustundum. Notkun myndavéla eða upptökutækja er óheimil á skólatíma nema með leyfi starfsmanna.
- Tökum af okkur útiföt, og skófatnað áður en gengið er inn í kennslustofur og matsal.
- Vegna slysahefðu er notkun hvers kyns hjóla s.s. reiðhjóla, hjólabretta, hlaupahjóla, línuskauta og vélknúinna ökutækja óheimil á skólalóð á skólatíma. Fyrirnefnd farartæki skulu geymd í hjólastöndum og vera læst á ábyrgð eiganda. Samkvæmt lögum ber að nota þar til gerðan öryggisbúnað á farartækjum.
- Aðeins má vera í snjókast í afmörkuðum svæðum, þ.e. á grassvæði sunnan megin við skólann. Nemendur 1.-3. bekkja eiga ekki að vera í snjókast á skólatíma.
- Í Foldaskóla er andlegt og líkamlegt ofbeldi ekki liðið.
- Nemendum ber að vera á skólasvæði á skólatíma.
- Óheimilt er að koma með barefli, eggjárn, eldfæri, sprengiefni, skotelda eða aðra hluti sem geta valdið skaða eða ótta í skólanum eða á skólalóð.

Viðbrögð við brotum á reglum varðandi umhengni, samskipti og háttsemi:

- Starfsmaður ræðir við nemanda sem fær tækifæri til að bæta ráð sitt og koma með tillögu að því sem betur hefði mátt fara.
- Ef nemandi fer ekki eftir reglum og breytir ekki hegðun sinni við ábendingu starfsmanns er brotið skráð á þar til gerða miða og umsjónarkennari fer yfir málið með nemanda.
- Nemandi er tekinn út úr aðstæðum.
- Ef nemandi er vísað úr aðstæðum skal hann bíða á skrifstofu skólans þar til viðkomandi kennari hefur tækifæri til að leysa málin með honum. Ef viðunandi niðurstaða næst ekki skal kennari vísa málinu til umsjónarkennara/stjórnanda og upplýsa foreldra.
- Nemandi sem sætir þessum viðurlögum kemst aftur inn í kennslustund þegar hann er tilbúinn að bæta ráð sitt og hefur rætt við kennarann.
- Nemandi sem verður uppvís að broti á banni við notkun síma, upptökutækja eða spilara skal sæta því að vera vísað úr tíma til stjórnanda eða afhenda kennara tækið til varðveislu á skrifstofu skólans þar til foreldri sækir það í skólann.
- Ef ekki næst viðunandi lausn er kallað eftir því að foreldri sækir viðkomandi nemanda í skólann. Fundað er með forráðamanni áður en nemandi kemur aftur til skóla. Á fundi með skólastjórnanda, námsráðgjafa, umsjónarkennara, viðkomandi kennara og forráðamanni þarf nemandinn sjálfur að lýsa vilja sínum til að koma aftur í skólann og gera bragarbót. Taka þarf tilliti til aldurs og þroska nemandans.
- Skólastjóri getur vísað nemanda úr skóla í allt að fimm daga vegna alvarlegra brota.
- Ef um ótímabundinn brottrekstur er að ræða taka skólayfirvöld (SFS) við máli nemandans.

Stundvísi og ástundun náms

- Lögð er áhersla á að nemendur stundi nám sitt eftir bestu getu í samvinnu við kennara og forráðamenn.
- Við mætum stundvíslega með nauðsynleg gögn meðferðis.

- Við virðum vinnufrið annarra.
- Forráðamönnum ber að tilkynna skólanum um forföll hvern dag sem nemandi er frá vegna veikinda eins fljótt og auðið er. Forráðamenn geta einnig skráð veikindi beint inn í mentor.is.
- Öll forföll, sem ekki hafa verið tilkynnt innan þriggja vikna, teljast fjarvistir.

Viðbrögð við brotum á reglum um stundvísi og ástundun náms

- Verði misbrestur á mætingum nemanda skal umsjónarkennari leita skýringa og reyna að finna úrræði til úrbóta í samvinnu við nemandann og forráðamann hans.
 - Einkunn 8: Umsjónarkennari hefur símsamband við forráðamann nemanda og gerir honum grein fyrir stöðunni. Símtal skráð í Mentor og ákvarðanatökur.
 - Einkunn 6: Umsjónarkennari fundar með nemanda og forráðamanni hans þar sem leitað er leiða til að bæta ástandið. Stjórnandi eða námsráðgjafi mætir á fundinn ef umsjónarkennari óskar þess.
Skrifleg niðurstaða, undirrituð af öllum aðilum og afrit afhent foreldrum. Skráð í Mentor.
 - Einkunn 4: Verði þá ekki bót á skólasókn nemanda er máli vísað til nemendaverndarráðs og unnið eftir *Verklagsreglum skóla- og frístundasviðs og velferðasviðs um þjónustu við grunnskólanemendur með fjölþættan vanda*.
- Veikindi og aðrar löglegar fjarvistir ber að tilkynna samdægurs, fyrir kl. 8:20, á skrifstofu skólans. Að öðrum kosti verða fjarverur skráðar sem óheimil fjarvist. Umsjónarkennari hefur samband við forráðamenn ef um áberandi marga veikindadaga er að ræða hjá nemanda og kannar ástæðu. Skólastjóri áskilur sér rétt til að krefjast læknisvottorðs vegna tíðra veikinda.
- Skemmri leyfi í allt að tvo daga eru veitt af umsjónarkennara. Lengri leyfi, þ.e. í þrjá til fimm daga, þurfa að auki samþykki skólastjórnanda. Tímabundna undanþágu frá skólasókn, þ.e. leyfi í meira en fimm daga, þarf að sækja sérstaklega um.
- Óheimil fjarvist (skröp) telst ef nemandi mætir eftir að kennslustund er hálfnuð eða mætir alls ekki í tíma án þess að hafa fengið leyfi fyrir fram. Sama gildir ef nemandi fær leyfi til að bregða sér úr kennslustund og skilar sér ekki aftur. Seint telst ef nemandi mætir áður en 20 mínútur eru liðnar af tímanum. Eftir það er skráð fjarvist.
- Í Foldaskóla er gefin sérstök skólasóknareinkunn í 5.-10. bekk sem byggir á eftirfarandi reglum:
Gefið er eitt fjarvistarstig fyrir að koma of seint í kennslustund en tvö fyrir fjarvist og brotthvarf úr kennslustund. Fjarvistarstig ráða skólasóknareinkunn sem hér segir:

Fjarvistarstig	Einkunn	Fjarvistarstig	Einkunn
0-2	10,0	31-35	5,0
3-4	9,5	36-43	4,5
5-6	9,0	44-50	4,0
7-8	8,5	51-59	3,5
9-10	8,0	60-69	3,0
11-12	7,5	70-79	2,5
13-15	7,0	80-89	2,0
16-20	6,5	90-99	1,5
21-25	6,0	>99	1,0
26-30	5,5		

- Hægt er að sækja um afskriftir fjarvista tvisvar á skólaárinu.

- Hverjar tvær vikur með 100% mætingu hækka einkunn um einn heilan, þó aldrei hærra en í 8,0.
- Nemendur byrja með 10 að hausti og við upphaf vorannar.
- Yfirlit yfir ástundun nemenda er sent heim hálfsmánaðarlega. Nemendur í 7. til 10. bekk með 10 í skólasóknareinkunn yfir allt skólaárið fá viðurkenningarskjal að vori.

Umhverfi, hollusta og öruggar lífsvenjur

- Sýnum jörðinni umhyggju og tökum virkan þátt í mikilvægum umhverfisverkefnum.
- Berum umhyggju fyrir eigin heilsu og höfum jákvæð áhrif á aðra. Virkni, metnaður og þátttaka skila bestum árangri.
- Komum með hollt nesti og hreyfum okkur daglega.
- Neytum ekki sætinda og gosdrykkja á skólatíma.
- Virkjum skynsemina og notum hjálma og endurskinsmerki.
- Mætum úthvöld í skólann.
- Notkun tóbaks og annarra ávana- og fíkniefna er með öllu óheimil í eða við skólann eða nokkurs staðar þar sem nemendur eru á vegum skólans. Sömu reglur gilda um allar rafsígarettur.

Viðbrögð við brotum á reglum varðandi umhverfi, hollustu og öruggar lífsvenjur

- Ef nemandi kemur ítrekað með óhollt nesti og/eða ef að nemandi er ítrekað vansvefta hefur umsjónarkennari samband við forráðamann og bendir á mikilvægi hollrar fæðu og hvíldar fyrir grunnskólabörn. Ef ástand breytist ekki þrátt fyrir tilmæli hans er máli vísað til nemendaverndarráðs.
- Sælgæti og gos er gert upptækt.
- Ef nemandi verður uppvís að neyslu hvers konar tóbaks og/eða annarra ávana- og fíkniefna er honum vísað heim og mætir ásamt forráðamanni til fundar við stjórnanda næsta skóladag.
- Farið er eftir *Verklagsreglum vegna þjónustu við grunnskólanemendur með fjölþættan vanda* (SFS og velferðarsvið sept. 2012) ef nemandi verður uppvís að neyslu fíkniefna.